

錫金續譜川金類

上

Ex 220, 165

941

部 = 112

無錫寶慕儀謹贈

圖整正庫

九峯淡士編輯

錫金續讀小錄

次廣曾銓署端



乙丑孟冬
廿五日

叙

錫金識小錄者蓋邑獻黃廻谷先生託不賢之識小匡邑乘所未逮補苴罅漏張皇幽眇而有作者其大端有裨考證者已纂入志此外微言軼事窮搜博採類而列之時雜出以諧謔亘二百年無有賡爲之者獨吾 老友寶君叔英究心邑故而繼有作雖簡覈不及黃氏書然黃氏拾遺補闕於乾隆志方修之日而 君則發潛闡幽於光緒志久不續之餘徵舊聞以俟百世有求太簡而不得者此 君書所爲不如黃錄之簡覈而重有裨於邑故者也獨念余年二十補博士弟子

錫金續識小錄

序

一

子同歲隸學籍者四十人而五十年來世變頻仍爲不剝之碩果而歲時拱揖訕無恙者獨 君及嵇君兩人與余耳余觀嵇君逾古稀之年躬行無文授經里子弟庶幾漢之中公伏生而 君則以儒林丈人奮筆而有作傳信來者此尤一邑文獻之所繫也昔孔子論夏殷之禮而慨文獻之不足皇侃疏文文章獻賢也茲吾邑而有 君所謂獻也 君賡茲錄所謂文也使孔子生今日而言禮於吾邑何文獻不足之有焉余衰老不學讀 君之書而獨深致慙於故人云
歲次乙丑仲秋月同庠弟錢福炯時年七十有七

序

孔子云夏禮吾能言之杞不足徵也殷禮吾能言之宋不足徵也文獻不足故也足則吾能徵之矣據是以觀文獻不足雖聖人亦無可如何文獻若足卽非聖人亦有所考徵然則地方之文物掌故陵谷變遷風俗轉移形形色色莫不恃乎私家之記載賢者識其大者不賢者識其小者固不獨文武之道爲然也有清乾隆初年吾邑黃廻谷先生輯錫金識小錄十二卷以備國史邑志之採擇雅俗兼取奇正並收當時風行海內不脛而走足見是書之名貴矣然百七十年前之

錫金續識小錄

序

二

文物掌故陵谷變遷風俗轉移形形色色得使後人有所考徵而百七十年來之文物掌故陵谷變遷風俗轉移形形色色湮沒無聞付諸闕如亦士君子之恥也吾師叔英先生風流文采著作等身昔年所著之小綠天齋文稿詩詞鈔師竹廬隨筆及所輯之國朝書畫錄名儒言行錄師竹廬聯話均已刊行於世今又以耄耄之年留心於地方之文物掌故陵谷變遷風俗轉移形形色色著書自娛使百七十年來之湮沒無聞者備載於篇仿前輩邵吟泉氏之續慧山記丁杏舲氏之續詞綜同時侯戢齋氏之續梁溪詩鈔例續成錫金

識小錄六卷雖其體例不若廻谷之嚴密要諸苦心孤詣則一也昌於是編盟讀一過其山水城郭橋梁園墅廟祠寺觀冢墓古蹟風俗善舉卽廻谷之備參舊蹟也謚典匾額無欸卽廻谷之司牧綜考也宦望名儒文苑忠節孝友耆碩行義藝術列女流寓卽廻谷之補傳稽逸也兵事災異卽廻谷之前鑒紀異也藝文雜識卽廻谷之語雋雜言也廻谷與於乾隆修志之役志所刪者廻谷悉收之故其取材宏富裒然成帙吾師在易代後遇戎馬倥傯文獻散亡之際其取材之難當有百倍於廻谷者而吾師旁搜遠採不懈始終間一

錫金續識小錄

序

三

歲而書成囑序於昌昌以弟子之列不獲辭爰爲之書其梗概於此見吾師抱殘守闕之志堅繼往開來之功大洵足與廻谷後先輝映也已

歲次乙丑孟冬月朔 門人胡介昌茲僞氏沐手謹序於西麓草堂之南窗

錫金續識小錄目錄

卷一

山水 城郭 橋梁 兵事 災異

卷二

園墅 廟祠 謚典

卷三

寺觀 冢墓 匾額無款 古蹟 風俗 善舉 訂譌

卷四

宦望 名儒 文苑 忠節 孝友 耆碩 行義

錫金續識小錄

目錄

一

藝術 列女 流寓

卷五

藝文 詩 藝文 文

卷六

雜識

錫金續識小錄卷一

九峯淡士寶鎮編輯

山水

金匱山一名紫金山在城中第六箭河北岸高踰三仞周三丈相傳郭景純嘗埋黃金符匱於其下時有紫氣騰上故名土中石玲瓏黑白甚可愛歷久取石殆盡明永樂中知縣盧克敏除瓦礫加善土築之綴以太湖石今在秦氏宅曰金匱山房僅一卷耳此山在城中故首列由近及遠之意也

錫山在縣西五里當周秦間大產鉛錫漢興則殫故置無錫

錫金續識小錄

卷一

一

縣王莽時錫復出光武以後始竭有樵客於山下得銘云有錫兵天下爭無錫寧天下清有錫沴天下弊無錫乂天下濟此錫山之名所由始其巔有龍光塔明萬厯間郡守施觀民建康熙十一年知縣吳興祚修雍正六年華希閔重修道光年間兩次集資續修咸豐庚申後破壞殊甚屢欲修而未果近日方外某募捐集貲修葺工雖半成而竣工尙無期耳惠山在錫山之西有九峯起伏層疊故曰九龍狀其形也第一峯下爲白石塢有二泉亭點易臺春申澗等諸勝蹟第二桃花塢第三擔鉤塢第四王家塢第五宋塢有獅子石涼棚

石鏡光石天公足跡石第六馬鞞塢下有三台墩第七望公塢上有石門下有青墩第八仙人塢第九火鴉塢

青山嶂山礫山俱在惠麓西南其相近有舜柯嵒嵒墨潭等山墨潭因上有石池其水如墨故名相近又有橫山高數十丈因南北橫亘故名下有大澗小澗其南爲鎮山

按吾邑城外山甚多茲就最近者載數段遠者不縷述

城中直河自北水關入直行出南水關亦名弦河以有弓河箭河而名之故運河道也自直河分流而東者出打鐵橋東行爲沙盆潭循城而南過便民橋合直河是爲弓河箭河有

九道其次第自南而北第一箭河在邊巷久涇第二在莊巷底僅通十餘丈稱朱賣煤浜近日華氏營新宅於其上顏其巷門曰致美里第三名冉涇亦久塞明邵文莊寶居其上欲濬未果邑人尤盛明始鑿而通於直河今稱新開河第四在楊家巷今稱藥師堂前第五在董家巷今稱東河頭第六名師古河秦氏世居之第七在福田巷今稱田雞浜第八在東門街之北至韓脩橋而止第九在盛巷河形久沒相傳有九箭通出三公之謠今通直河者惟三箭河六箭河而已自直河分流而西有五支由留郎橋西行循城而南爲留郎河由

泰定橋西爲斥瀆由胡橋西行爲胡橋河經駐驄橋由水碓橋西行爲水碓河經城隍廟前抵西溪過迎溪橋與前西溪合爲荷花蕩由虹橋西行爲束帶河經學宮前過堰橋出西水關

太湖卽禹貢震澤職方具區亦名五湖其南爲湖州嘉興等界稍北則吳江蘇州更北則宜興無錫汪洋浩瀚羣峯矗列於其中周三萬六千頃在縣西南十八里邑之富安開原揚名開化新安五鄉皆濱湖凡西北境之水多入焉五里湖一名漆湖跨揚名開化二鄉北通梁溪東通馬蠡港南通長廣

錫金續識小錄

卷一

三

溪西由浦嶺獨山二門入震澤芙蓉湖在縣西北隅古名無錫湖越絕書云周萬五千頃宋以來填而改爲田者寢廣明巡撫周文襄忱大治圩田而湖始盡堙所謂芙蓉圩是也其間汶港縱橫多爲堰閘

城郭

明嘉靖間知縣王其勤築城禦倭七十日而成四門之名東曰靖海南曰望湖西曰試泉北曰控江康熙七年知縣吳興祚重修十九年大水圯六十九丈知縣曾徐兩公相繼修之雍正四年分縣城之屬錫者九百九十八丈六尺箭垛一千

九百諜臺大小十九屬金者八百五十六丈三尺箭垛一千六百三十八諜臺大小二十一雍正九年以前錫邑令江日容金邑令王喬林皆嘗分葺道光二十年錫令李彭齡金令董用威倡捐重修七十餘丈典史陳嘉桂督之以諜臺舊輒補苴罅漏故臺之存者錫十五座金十六座咸豐十年城陷於粵寇寇葺而高其垛今仍之

北門外古城樓記 古城樓在吾邑城北笕斗街內俗稱長城門者是也前明倭寇作亂凡近江海之區蹂躪尤甚錫邑爲水陸要衝舊有城已久圯民心由是恟懼松滋少月王公

錫金續識小錄

卷一

四

於嘉靖三十三年來治吾邑見城垣頽敗且多缺口更有以土爲垣之處乃議修築相傳將四門收進四門圈洞概未拆毀聊存舊跡所以四門之外俱有長城門時南門窰戶爲宜興燒造城磚無暇及此而宜令興^與王公舊交兩公情商以宜興所定之磚先築錫城宜興暫緩但城根石腳採辦不及王公向各家借用階沿採回償還所以能刻期蒞事當松滋公過借石時家家樂從惟西大街華紳不肯通融事後松滋公過其門以扇障面不欲見是不近人情者考邑志但言錫城久頽廢王公至官之三日卽召父老謀建築令仕宦之家與百

姓分任販錫而身自率之三月而成無四門收進之說以意揣之俗所稱長城門者是外城卽郭也南郭門在帶鉤橋東咸豐庚申兵燹後猶存兩邊城根今拆盡東西兩郭門同治時已無形跡可尋惟北郭圈洞咸豐初年里人修理所以經髮逆亂竟得保全光緒十八九年間有施德者得族中絕產因造屋剝削其磚以致坍塌金匱令王少谷邑侯雅善風鑑謂此圈洞有關北大街盛衰因囑單翁蓉坡買木建造跨街樓一座樓成王邑侯題額曰古城樓單翁丐余爲記余友高君念帖其乃祖乃父自道光初遷住長城門東首將及百年

錫金續識小錄

卷一

五

一日謂余曰通計衙內居人我家外俱屬新鄰從前口號走進笆斗街溫史華倪唐今惟倪姓尙有一兩丁耳并慫慂速應單翁命敘跨街樓顛末乃就昔所聞而縷述之
民國元年由市公所在東北隅開新北門曰光復門由是商場漸擴從崇安寺馬路可以直達車站及東西各處行路者人人稱便

民國四年九月有數人議拆城登報傳播王君蓋臣等電達軍巡兩署又有多人聯名遞呈將軍以下各署楊君章甫在山東閱報見議拆事函致無錫市董事商確函中述歐洲無

城專恃炮台重重防禦歲費數十萬金且教養詳備人恥爲盜警察周密外戶不閉中國惟上海漢口防禦似歐洲拆城無妨江甯武昌濟南蘇州大都會皆未能拆城者以盜匪甚多居民倚城爲保障無錫近太湖各鄉劫案迭見如能化及惰遊盜賊使各鄉道不拾遺然後議拆城未爲遲等語城得保全是王楊兩君及遞呈出力者之功也

民國十三年春在東隅開東水關船之從此行者甚少且水向外瀉遇旱歲因外瀉而更淺邑人咸議其有損無益

橋梁

錫金續識小錄

卷一

六

北水關橋道光二十年徐對揚張榮魁等重修

中市橋道光十四年寶承焯等以十一年賑餘並集貲重修南市橋舊名濟安道光七年里人募捐重修

豐樂橋舊名龍漚乾隆間圯嘉慶二十一年以二十年賑餘銀並集資重建華瑞清董其事知金匱縣齊彥槐易今名道光八年徐對揚等添築石堤以防水勢湍急舟行稱便

以上均見道光庚子續志 咸豐十年城陷於粵寇豐樂

石梁毀同治間邑人募捐建築徐對揚子徵集資修堤

寶善橋跨寺塘涇明鄒迪光建惠山寺門內香花橋跨日月

池咸豐丙辰寶承焯於兩處均重修并濬池見慧山記續編
西定橋跨梁溪下爲五門明嘉靖中知縣鄭普建上有亭秦
端敏金爲之記崇禎間馬文肅世奇重建嘉慶十五年邑人
寶氏修道光二十年知縣李彭齡捐廉倡修同治五年圯
秦定橋元秦定間造故名光緒四年圯吳汝渤趙榮等募建
應宿橋在縣署後應宿墩旁道光間寶承焯王應奎等募建
清名橋跨運河舊名清寧明萬厯中造康熙八年知縣吳興
祚重建咸豐元年知縣張印坦重修易今名杜進士紹邴有
記十年毀同治八年邑人趙榮楊庭蓴朱浩等集資重建

大德橋在西門外五里街元大德間造延祐間修嘉慶間邑
人溫雲皋等咸豐間寶承焯等並募修數年前因興東洋車
於靠南一邊去其階級用碎石改築以便眾車行走

西黃泥橋及錫山麓附近之俞公橋映龍橋皆邑紳寶承焯
於道光咸豐間重建咸豐甲寅承焯新修綺塍街工竣時王
問所書之九龍峯坊已久廢亦加修葺補書坊額曰五里香
塍邵大令涵初篆題坊陰曰九峯翠嶂見慧山記續編

北門大橋一名蓮蓉跨運河明正統十一年知縣項任倡捐
改築康熙中楊紹雍修乾隆十五年重建道光十八年趙漢

侯等募修同治九年趙榮等集資重修

新市橋跨城中直河在真應道巷口民國元年市公所募建
近年東洋車盛興凡步履不健者咸願乘之故勸市公所
倡首添築無階級之津梁以便車行

歡喜橋跨城中直河在歡喜巷口民國五年市公所募捐建
三鳳橋跨城中直河在鳳光水碓兩橋之間民國十二年市
公所募捐建築

致和橋在城中近南水關民國十三年市公所募建

吳橋在北塘黃埠墩西跨運河湖州吳子敬逐年到錫收繭

錫金續識小錄

卷一

八

嫌北塘河濶渡船至繭業公所議事遇大風覺險故獨力捐
資於民國五年建大鐵橋因以吳爲名

民國七年有鉅商陸培之榮宗敬昆仲由火車站開闢通惠
路以達惠山中間有河道三條築橋三座一曰惠農一曰惠
工一曰惠商嗣後可由車站乘東洋車逕至龍山梢

兵事

咸豐三年癸丑正月粵匪全股東竄二月初十日金陵失陷
越旬日鎮江揚州相繼失陷難民紛紛南下吾邑派留千餘
人分四門城外寺廟居之是月二十七日清明節廣潮勇過

境在北塘奪坐民船逃船如蟻忽有人訛傳粵匪至爭擁出城南弔橋下踏斃二十七人時在籍吏部侍郎侯桐奉督辦團練之命因年老不能任事擇城鄉能任事之紳士代之賢否參半三月地震四野有陰燐人心惶惶挈眷遷避鄉間者甚多吾邑團練於春間倡始兩邑侯奉檄督辦民團延紳董於恆善堂勸捐經費招募鄉勇百名分布北塘牛星殿及四城門盤詰名盤查局城鄉編立保甲以十家爲一牌十牌爲一甲而吾邑設卡抽釐助餉亦於是年始

是冬麪長埒周氏鄧氏開倉收租土匪倪孟壽聚眾抗租搶

掠周鄧兩家各募力士數人防禦互相救援獲匪首倪孟壽解縣孟壽立站籠死署前三壩橋土匪平阿方費繼祖等始以抗租聚眾繼謀不軌乘三壩橋趙氏收租入其家搶掠一空金匱高令會營往捕匪黨鳴鑼拒之請兵於府始得捕獲阿方繼祖斬梟同時曹墓塘鄒阿多等亦以抗租搶掠案死於獄者五六人

咸豐五年乙卯蘇撫吉爾杭阿收復上海城移營鎮江二月二日過境錫令吳金令錢同紳董宴吉公於惠山初九日鎮江賊分竄高資牽制官軍向大臣榮勇額四萬餘人積久欠

餉百餘萬軍士譁餉向大臣始以慰勞繼以詎責麾使速行
軍士皆涕泣謝罪時大營僅存千人日夜以疑兵守之幸各
路俱捷轉危爲安

鹽梟劉正裕鄭國魁陳三禿子俱巢湖人素爲米業接客咸
豐初年漕糧改海運河運船額共六千餘艘其舵工水手敗
業販鹽因正裕等久留無錫人地熟悉尊爲頭目而鹽販日
衆官不能禁有廬州人結伴由蘇常運物於被陷地方獲利
甚厚其僱船裝運者泊北門外河埭裏劉黨垂涎尋衅六月
下旬至北塘盤查局聲言捕捉奸細速乞軍火擅取器械趨

錫金續識小錄

卷一

一

至河埭裏隔河開鎗廬人飛瓦擲石勝負未分有本地遊民
李盤引巢人過橋襲其後廬人恐入河被刺死者十餘人巢
人乘勢劫掠其船守備蔣志善排隊出城巢人乃散設計誘
劉等到案劉正裕梟示泗堡橋陳三禿子梟示梨花莊國魁
奔東壩投營以避捕捉是役居民雖無害驚惶頗甚焉
咸豐六年丙辰夏大旱運河盡涸各路調撥兵勇俱陸行商
賈運貨亦然飛蝗來自西北蔽天日食禾頃刻盡官示民捕
網而焚之高低田已均受傷米價騰貴民不聊生七月杪始
陸續大雨河道漸通調兵者得舟行

是年夏金陵鎮江賊議夾攻以撼我大營於是鎮江之賊從東而西江寧之賊從西而東溧水大小關金柱黃馬等處之賊旁出衝擾向大臣因分勦寧國溧水屢經抽撥兵力過單寇蜂至官兵正併力截殺各營火起兵勇潰散張國樑突圍保向大臣衝鋒而出收聚散卒退保丹陽上游難民回籍未久至是又南下吾邑善士集資每人給錢三十文旬日發去錢五百餘千蘇省大吏恐人眾滋事通飭各屬留養錫金派養三千餘人彗星見東北方光芒綿長警報日至吾邑徙避者因天熱不過十之一大軍既移營丹陽嬰城固守而賊勢

錫金續識小錄

卷一

上

甚猖獗有以退保勸者向大臣太息曰吾病不能進何顏更南走當死於此遂以軍事付幫辦張提督國樑執其手云汝才足辦賊吾死何憾復踴身呼終負君恩一慟而絕謚忠武向大臣自道光三十年調任廣西提督卽勦粵匪大小千百戰嘗自鐫誓滅此賊私印金陵陷後保障東南人歌之曰向陽一木自欣欣覆徧江南獨賴君功偉可見矣

咸豐七年丁巳何桂清爲兩江總督和春爲江寧將軍江南提督張國樑幫辦軍務和張二帥不相能桂清居間調停之江南大營勢頗振夏張國樑會傅振邦克復句容冬張軍復